



## Եղիշե Չարենց

### Ինչպես երկիրս անսփռփ

Ինչպես երկիրս անսփռփ, ինչպես երկիրս բախտագուրկ,  
Ինչպես երկիրս ավերակ ու արնաներկ -  
Մխում է սիրտս հիմա որք, մխում է սիրտս բախտագուրկ,  
Մխում է սիրտս՝ ավերակ ու արնաներկ...

Եվ այս երգերը իմ կարմիր, ախ, այս երգերը իմ կարմիր,  
Որ երգում է անսփռփ սիրտս կրակուն -  
Ինչպե՞ս պիտի արդյոք հնչեն, ախ, այս երգերը իմ կարմիր -  
Իմ ավերակ, իմ ո՛րք երկրում...

Ինչպես երկիրս անսփռփ, ինչպես երկիրս ավերակ -  
Այնպես էլ սիրտս - անսփռփ, այնպես էլ սիրտս - անուրախ,  
Վե՛րք է դառնում սրտիս խորքում օրերի փա՛յլը այս հրակ -  
Ախ, սի՛րտս իմ՝ բո՛րք ու անսփռփ,- երկի՛ր իմ՝ ո՛րք ու անուրախ...

1928